



HEINRICH TIMMEREVERS

DRJEŽDŽANSKO-MIŠNJANSKI BISKOP

PASTYRSKE SŁOWO

k přenjeji póstnej njedźeli, 1. měrca 2020

Lube sotry a lubi bratřa,

kónc januara wotmě so w Frankfurće přenjeja plenarna zhromadźizna Synodalneho puća. Jedyn wobraz je mje wosebje jimał: Tam sedžeše něhdže 220 žonow a muži w alfabetiskim slědže za dołhimi rynkami blidow – mjez nimi měšnicy a biskopja. Za mnje je to znamjo, zo słušamy jako putnikowacy lud Boži hromadže. To je wobraz toho, štož starogrjekske słowo „synodos“ woznamjenja: zhromadny puć. Sym jara džakowny za tónle zazběh a hladam poľny nadźije na přichodnej dvě lěće tohole předewzaća, kotrež stej Němska biskopska konferenca a Centralny komitej katolikow Němskeje (ZdK) wobzamknyłoj.

Synodalny puć zaběra mnohich ludźi w našim kraju a w našim biskopstwje na cyle rozdźělně wašnje. Tuž sym so rozsudźił, tele pastyrskje słowo wužić, zo bych z Wami wo synodalnosći jako zakładnym nastajenju za našu zhromadnosć rozmyslował.

Bamž Franciskus je nam w zašłym času wuwědomił: Cyrkej je synodalna zhromadnosć křćenych, firmowanych, spoľnomócnjenych, póslanych, wuswjećenych. Synodalnosć „woznamjenja, zhromadnje so ze wšej cyrkwju w swětle Ducha Swjateho na puć podać, pod jeho wjednistwom a z jeho pozbudženjom, zo bychmy dokładnje słušać nawuknyli a přeco nowy horicont spóznałi, kotryž chce wón nam darić“¹. Směmy tomu dowěrjeć, zo chce Boži Duch we wutrobach tych skutkować, kotřiž maja jeho z křćeńcu a firmowanjom we sebi. Zhromadnje na njeho słuhaajo a duchi rozeznowajo nańdžemy puć, po kotrymž chce wón nas jako cyrkej wjesć.

Synodalny puć bu jako konkretna reakcija na krizu cyrkwje w Němskej koncipowany. Dožiwjamy, zo so relacije wěry w zapadneji Europje měnjeja a zo mamy so znowa za tym rozhladować, zo Boha pytamy a namakamy. Nimo toho

¹ List bamža Franciskusa putnikowacemu ludej Božemu w Němskej, 29. junija 2019, wudaty wot Sekretariata Němskeje biskopskeje konferency (VAPs 220), Bonn 2019, č. 3.

njemóže nchtó wuspinkować, zo smy w zašlych lětach dowěru zhubili, kotraž nańdže w seksuelnym znjewužiwaniu kaž tež w znjewužiwaniu mocy přez klerikarjow, rjadnikow a cyrkwinskih sobudźělačerjow swoju hrózbnu nižinu. Mnohe z tym zwisowace temy njewužadaja nas hakle wot njedawna, jich wuznam pak je hišće raz přiběrał. Husto praša so při tym za žiwjenskeje formu našich měšnikow, při čimž tež wo celibat dže. Nastorčena je runje tak naležnosť, hač a kak měli so žony na zastojnstwje wuswjećenych wobdźělic móc. A nas zaběra, kak móhli žony a mužojo w nawodnistwje cyrkwyje podźěl brać. Nic naposledk staja so prašenje, kak móhli z poselstwa ewangelija žiwjenje w poradženych mandželstwach, swójbach a počahach spěchować.

Budžemy dobre poselstwo Jězusa Chrystusa wěryhódnje wozjewjeć móc, hdyž postajene temowe komplekxy Synodalneho puća zmužiće wobdźělamy.

Na wuradźowanjach Synodalneho puća sy hižo spóznać móhł, zo je spektrum měnjenjow, pozicijow a přeswědčenjow šěroki. Štož pak po mojim wobkedźbowanju wšitkich synodalow w swoim prócowanju jednoća, je wěra do Jězusa Chrystusa, lubosć k cyrkwi a nadźija, zo zamóže wona přeswědčiwje do našeje towaršnosće ewangelizujo skutkować.

Sym přeswědčeny, zo změje stil synodalnosće za naše cyrkwinske struktury a procesy njesnadny wuznam, a to dołho po Synodalnym puću. Wot njeho wuńdže signalny efekt za našu zhromadnosć w našim biskopstwje kaž tež za zhromadnosć w našich wosadach, zhromadženstwach a skupinach.² Zahajeny jutrowny pokutny čas přeprašuje nas, zo so tež w swójbach, mandželstwach a partnerstwach elementy synodalnosće skonkretizuja, kaž to bamž Franciskus namjetuje:

1. Słyšenje sej nazwučować. 2. Interpretowanje sej nazwučować a 3. Jednanje sej nazwučować

1. Słyšenje sej nazwučować

Husto hdy připosłuchaja ludžo z poł wutrobu. Lepju so sam přeco zaso při tym, zo, mjeztym zo druha wosoba hišće řeči, hižo dale myslu abo sej swoju wotmołwu spřihotuju. Tola słyšeć měni wjace: Druheho kedźbu mjeć, cyle prezentny a wotewrjeny za njeho a to być, štož chce wón mi rjec. Praji mi wón

² Doporučam wuraznje, zo by so w radach a gremijach našich wosadow dale wjedło rozestajenje z dokumentom Mjezynarodneje teologiskeje komisije, *Die Synodalität in Leben und Sendung der Kirche*, wudaty wot Sekretariata Němskeje biskopskeje konferency (VApS 215), Bonn 2018

něšto wažne, prawe, na čož dotal hladał njejsym? A smy zwólniwi, wot druhich chutnje něšto nawuknyć chcyć? Připosłuchawši zwólniwy być, sebje změnić dać, móže chětro napinace być. Ale za nowu perspektiwu, kotraž dale wjedže, so to wudani!

Tute nastajenje je tež Bohu napřečo trěbne. Prosta a runje tak jimaca bronzowa postawa z titulom „Słuchacy“ Tonija Zenza zwuraznja tute zakładne nastajenje wobraznje. Předstajće sej wosobu, kotraž ma hłowu trochu dozady zloženu, woči cyle wočinjenej a horje wusměřjenej, ruce dźerži wona kaž wuchowej mušli, zo by lěpje słyšała, ert je zawrjeny.

Mje dopomina tale skulptura na to, zo smě čłowjek ze wšěmi zmysłami cyle na Boha a na to słuhać, štož chce wón nam rjec. Sym nazhonił, zo trjebaš chwile a měr, zo by w tutym nastajenju zwostał a často cunje a njenapadne słowa a znamjenja Bože słyšał. Bronzowa postawa mi wuwědomja: Tež měrne přebywanje před Bohom je jedna z formow modlenja. Snano Was nastajenje „Słuchaceho“ přewodža.

2. Interpretowanje sej nazwučować

Štož słyšimy, štož přiwozmjemy, žada sej interpretowanje. Rozeznawamy, što je w našich přecach, w našim myslanju a w znamjenjach našeho časa za nas wola Boža a što nic. Wěnujemy so tutomu prašenju, dokelž wěrimy, zo chce Bóh za nas to najlěpše. Wotmołwy na to móhli so poradzić, jeli je Boha zetkawajo w sakramentach a w słowje Swjateho Pisma zrozumimy. Džensa čitamy w swjatym scénju: „Nic jeno z chlébom samym so čłowjek žiwi, ale z kóždym słowom, kotrež z Božeho erta wuchadža.“ (Mt 4,4)

Składnostnje nowozaloženjow wosadow pytaja pastoralne rupy intensiwnje za słowom ze Swjateho Pisma, kotrež je zakład jich biblisce zapołożeneho nadawka. Kóžda nowa wosada je dotal hinaše, za sebje charakteristiske a inspirowace słowo namakała. Jeli stanje so wone ze zakładom mjezsobnosće, jeli wone žiwjenje wosady kaž tež kóždeho jednotliwca inspiruje a jeli ju skónčnje tež Boži Duch wjedže, potom rosće tu synodalna cyrkej.

Njebójmy so při tym rozdźělnych měnjenjow a čilych debatow. Rozdźělnosć je bohatstwo, žane wohroženje. Njewojujmy přećiwo sebi, ale zwuraznejmy z respektom to, štož smy we wědomju Ducha Swjateho jako wužitne za rozeznawanje w zhromadnosći nazhoni. Zdobom měli wotewrjeni być, a to

přiwzać, štož samsny Duch Boži druhim radži. Potom njetrjebamy so starosćić, potom móžemy tež diskutować a wo pozicijach debatować.

3. Jednanje sej nazwučować

Słowo Bože njewudebja naše žiwjenje, wone njeje někajka porjeńšaca pódlanskosć. Skerje napomina japoštoł Jakub: „Budźće činićeljo słowa a nic jeno slucharjo.“ (Jak 1,22) Při tym pomha nam Duch Swjaty, wón pokazuje nam a wuči nas, kak měli duchi rozeznawać. Wón pomha nam spóznać, što je dobre abo zlé, što k wjetšej zhromadnosći a što k pačenju wjedže. Boži Duch wjedže do wjetšeje, hłubšeje a pozbudźowaceje zhromadnosće. Wón pomha, zo njezaměniš jednotu z glajchšaltowanjom abo uniformitu a zo rozdźělnosće znjeseš. Wobchowajmy zhromadnosć!

Lube sotry a bratřa, kładu Wam za tónle jutrowny pokutny čas na wutrobu, zo byšće tute tři kročele wupruwowali abo pohłubšili. Pozbudźuju Was, zo byšće w svojich žiwjenskich kontekstach cyle konkretnje jednali a znowa jedyn na drugeho a na Boha sluchali, Swjate Pismo čitali, je wułożowali a po tym jednali. Naš wšedny dzeń skića k tomu njeličomne šansy, kotrež měli wotkryć!

Druhu, runje tak wažnu naležnosć chcu Wam dowěrić: Modlće so wo Božeho Ducha, zo by so Synodalny puć poradził! Wobdźělće so na nim konkretnje ze swojej perspektiwu! Zhromadnje ze synodalemi z našeho biskopstwa přińdu w přichodnych měsacach k rozmołwnym forumam do dekanatow a nadźijam so, zo móžu na tutych wječorkach z Wami synodalnosć ze žiwjenjom pjelnić.

Za tutón jutrowny pokutny čas, za wšo nakazanje, wšo rozważowanje a nowe myslenje wuprošam Wam pomoc Trojjeničkeho Boha, Wótca a Syna a Ducha Swjateho. Amen.

Waš

A handwritten signature in blue ink, reading "Reinold Zimmermann". The signature is written in a cursive style with a cross at the beginning.

Drježdžansko-Mišnjanski biskop